

勝思惟梵天所問經

才四

百四十三  
萬四

48210

22



元祿九年丙子二月日重脩

皇圖瓊閣 帝衢綴昌

佛日增輝 梵輪常轉

山城州天安寺法金剛院置



勝思惟梵天所問經卷第四

萬

元魏天竺沙門統大乘論師菩提流支譯

尔時網明童子菩薩白佛言世尊若有菩薩

希望功德利而發菩提心者不得名為發大

乘也何以故一切諸法無功德利以無對治

處故世尊菩薩摩訶薩不應為功德利故發

勝思惟梵天所問經四

菩提心但為大悲故為滅衆生諸苦

諸善法故解脫諸邪見故滅除諸病

所貪著故不觀憎愛故不沒世法故厭患有

為故安住涅槃故發菩提心世尊菩薩不應

於諸衆生求其恩報亦不應觀作與不作又

於苦樂心不傾動世尊何謂菩薩摩訶薩諸



善根清淨佛言善男子菩薩善根若生轉輪  
聖王位處不得名為善根清淨若生帝釋王  
中若生梵天王中亦不得名善根清淨在所  
生處乃至畜生自不失善根亦令衆生生諸  
善根是名菩薩善根清淨復次綱明云何菩  
薩善根清淨善男子布施善根清淨以捨一  
切資生故持戒善根清淨以除熱惱得清涼  
故忍辱善根清淨以心不分別故精進善根  
清淨以離懈怠故禪定善根清淨以不念餘  
乘故智慧善根清淨以離諸見故慈善根清  
淨以平等見故悲善根清淨以直心清淨故  
喜善根清淨以樂諸法不生愛故捨善根清

淨以離諸過故不捨菩提心善根清淨以不  
貪聲聞辟支佛地故尔時文殊師利法王子  
在於大會默然而住無所論說尔時勝思惟  
梵天白佛言世尊此文殊師利法王子在大  
會坐云何於此所說法中默然而住無所論  
說尔時世尊告文殊師利法王子言文殊師  
利汝今於此所說法中可少說之文殊師利  
白佛言世尊佛所證法為何等相佛言文殊  
師利彼所證法無有相貌文殊師利言世尊  
彼法可說可演可論不佛言文殊師利彼法  
不可說不可演不可論也文殊師利言世尊  
若彼法不可說不可演不可論者則不可示

萬

勝思惟梵天所問經四

二

尔時勝思惟梵天謂文殊師利法王子言  
文殊師利汝不為衆生演說法耶文殊師利問  
言梵天於法性中頗有二相耶答言無也問  
言梵天一切諸法不入法性中耶答言如是  
文殊師利言若彼法性是不二相一切諸法  
入法性中云何當為衆生說法梵天問言頗  
有說法亦無二耶答言梵天若決定得說者  
聽者可有說法而無有二梵天問言如來豈  
可不說法耶答言梵天佛雖說法不以二相  
何以故如來說法無二說故雖有所說而無  
二也梵天問言若一切法無二云何說凡夫  
無二作二答言梵天凡夫之人貪著我故

別為二若不二者終不為二雖復種種分別  
為二然其實際無有二相梵天問言云何而  
識無二法耶答言梵天若無二可識則非無  
二何以故梵天無二相者不可識也梵天而  
如來不說二法彼法如說無如是也何以故  
以彼法無名字章句故梵天問言如來說法  
萬取何法耶答言梵天如來說法無所取也梵  
勝思惟梵天所問經四天問言佛所說法可不取涅槃耶問言梵天  
於涅槃中涅槃有取捨耶答言涅槃不去不  
來文殊師利言如是梵天佛所說法不去不  
來梵天問言是法云何聽答言如所說梵天  
問言云何如所說答言梵天如不識亦聞

不識不聞如是說梵天問言誰能聽如來如  
是法答言梵天不著不漏諸境界者梵天問  
言誰能知是法答言梵天以何等人不諍訟  
無識不隨喜者梵天問言云何比丘名多諍  
訟答言梵天若比丘是好是惡是相應是不  
相應此名諍訟是理是非理此名諍訟是垢  
是淨此名諍訟是善是不善此名諍訟是法  
可呵是法不可呵是法有漏是法無漏是法  
世間是法出世間是法有為是法無為是持  
戒是破戒是可作是不可作是可得是不可  
得梵天此名諍訟梵天若於法中有高下心  
貪著取受皆是諍訟佛所說法無有諍訟



天樂戲論者無不諍訟樂諍訟者無諍訟者  
樂沙門法者無有妄想梵天問言云何比丘  
隨佛語隨佛教答言梵天若比丘稱讚毀辱  
其心不動是名隨佛教不隨文字語言是名  
隨佛語又若比丘滅一切法相是名隨佛教  
不違於義是名隨佛語又若比丘守護於法  
萬勝思惟梵天所問經四  
是名隨佛教不違佛語是名隨佛語梵天問  
言云何比丘能守護法答言梵天若比丘不  
違平等不壞法性是則名為能守護法梵天  
問言云何比丘親近於佛答言梵天若比丘  
於諸法中不見有法若近若遠是則名為親  
近於佛梵天問言云何比丘給侍於佛答

天樂戲論者無不諍訟樂諍訟者無諍訟  
樂沙門法者無有妄想梵天問言云何比丘  
隨佛語隨佛教答言梵天若比丘稱讚毀辱  
其心不動是名隨佛教不隨文字語言是名  
隨佛語又若比丘滅一切法相是名隨佛教  
不違於義是名隨佛語又若比丘守護於法  
萬勝思惟梵天所問經四  
是名隨佛教不違佛語是名隨佛語梵天問  
言云何比丘能守護法答言梵天若比丘不  
違平等不壞法性是則名為能守護法梵天  
問言云何比丘親近於佛答言梵天若比丘  
於諸法中不見有法若近若遠是則名為親  
近於佛梵天問言云何比丘給侍於佛答

梵天若比丘身口意無所作是名此與給伽  
於佛梵天問言誰能供養佛答言梵天不起  
罪業不起福業不起無動業者梵天問言誰  
能見佛答言梵天若不著肉眼不著天眼不  
著慧眼不著法眼不著佛眼者梵天問言誰  
能見法答言梵天不逆諸因緣法者梵天問  
言誰能順見諸因緣答言梵天不起平等不  
見平等不生不滅者梵天問言誰得真智答  
言梵天不生不滅諸漏法者梵天問言誰能  
隨學如來戒答言梵天不起不受不取不捨  
者梵天問言誰名正行答言梵天不隨三界  
者梵天問言誰為善人答言梵天不受後

者梵天問言誰為樂人答言梵天無我無我  
所者梵天問言誰為得脫答言梵天不壞縛  
者梵天問言誰為得度答言梵天不住世間  
不住涅槃者梵天問言漏盡比丘盡何事耶  
答言梵天若有所盡不名漏盡知諸漏空相  
隨如是知名為漏盡梵天問言誰為實語答  
萬言梵天離諸言論道者梵天問言誰為入道  
勝思惟梵天所問經四答言梵天凡夫者有入道聖行者知一切有  
五為法無所從來無所至去則無入道梵天問  
言誰能見聖諦答言梵天若於諸法無所見  
者何以故隨所有見皆為虛妄無所見者乃  
名為實梵天問言不見何法名為見諦答

梵天不見一切法名為實諦梵天問言如是  
實法當於何求答言梵天當於四顛倒中求  
梵天問言汝以何意作如是說答言梵天求  
四顛倒不得常不得樂不得淨若不  
得常以常無故是即無常以何處無樂是即  
為苦以何處無我是即無我以何處無淨是  
即不淨梵天諸法無我是為聖諦若人求實  
諦是人不知苦若人斷集是人不知集若人  
見滅是人不知滅若人求道是人不知道梵  
天問言云何修道文殊師利答言梵天若不  
分別是法是非法離於二相名為修道以如  
是道求一切法不可得故是名為道如是道

者不住世間不住涅槃何以故不離家至  
名聖道尔時平等行梵天婆羅門大婆羅子  
白文殊師利法王子言文殊師利云何優婆  
塞歸依佛法歸依法僧答言善男子若優  
婆塞不起二見云何名為不起二見謂不起  
我見不起他見不起我見不起佛見不起我  
萬見不起法見不起我見不起僧見是名優婆  
勝思惟梵天所問經四塞歸依佛法僧復次善男子若優婆塞不以  
色見佛不以受想行識見佛是名優婆塞歸  
依佛善男子若優婆塞不分別諸法不戲論  
諸法是名優婆塞歸依法善男子若優婆塞  
信無為法僧而不離有為法僧無為法是名

優婆塞歸依僧復次善男子若優婆塞不見  
佛不見法不見僧是名優婆塞歸依佛歸依  
法歸依僧今時平等行梵天婆羅門大婆羅  
子白文殊師利法王子言文殊師利是諸菩  
薩發菩提心者為趣何所答言善男子趣於  
虛空何以故阿耨多羅三藐三菩提同虛空  
故平等行菩薩言文殊師利云何菩薩名發  
阿耨多羅三藐三菩提心答言善男子若菩  
薩知一切發非發一切法非法一切衆生非  
衆生是名菩薩發阿耨多羅三藐三菩提心  
今時平等行梵天婆羅門大婆羅子白佛言  
世尊所言菩薩菩薩者為何謂耶以何義故

名為菩薩佛言善男子若菩薩於邪定眾生  
起大悲心於正定眾生不見殊異故名菩薩  
何以故善男子菩薩不為正定眾生不為不  
定眾生故發心但為度脫邪定眾生故而起  
大悲發阿耨多羅三藐三菩提心故名菩薩  
何以故善男子菩薩於邪定眾生起大悲心  
萬勝思惟梵天所問經四  
願大菩提故名菩薩七爾時名菩提菩薩白佛  
言世尊我亦樂說以何義故名菩薩佛言  
便說菩提菩薩言譬如若男子女人受一日  
八戒無毀無缺若菩薩如是從初發心乃至  
成佛於其中間常修淨心故名菩薩世尊若  
菩薩從初發心乃至道場不動心故名菩薩



菩堅意菩薩言若菩薩成就深固慈心常念  
衆生故名菩薩度衆生菩薩言譬如橋船度  
人不倦無有分別若菩薩有如是心度一切  
衆生故名菩薩斷惡道菩薩言若菩薩於諸  
佛國土足投地處即時一切惡道皆滅故名  
菩薩觀世自在菩薩言若菩薩衆生見者即  
得必定於阿耨多羅三藐三菩提又稱其名  
得免驚怖故名菩薩得大勢菩薩言若菩薩  
足投地處震動三千大千世界及魔宮殿故  
名菩薩無疲倦菩薩言若菩薩劫數猶如恒  
河沙等為一日夜以如是日三十為月數如  
是月十二月為歲以是歲數若過百千萬億

數劫得值一佛如是乃於恒河沙等諸如來  
所行諸梵行修集功德然後乃受阿耨多羅  
三藐三菩提記心不休息無有疲倦故名菩  
薩導師菩薩言若菩薩於墮邪道諸衆生等  
生大悲心令入正道不求恩報故名菩薩大  
彌樓山菩薩言若菩薩於一切法無所分別  
萬勝思惟梵天所問經四  
如彌樓山一於衆色故名菩薩那羅延菩薩  
言若菩薩不為一切煩惱所壞故名菩薩心  
力菩薩言若菩薩以心思惟一切諸法而自  
身心不壞不損故名菩薩師子遊步自在菩  
薩言若菩薩於諸論中不怖不畏得深法忍  
能使諸魔一切外道悉皆驚怖故名菩薩不

可思議菩薩言若菩薩知心及法不可思議  
無所思惟無所分別故名菩薩善寂天子言  
若菩薩能於一切天宮中生而無所染亦不  
得是無染之法故名菩薩實語菩薩言若菩  
薩有所發言常以真實乃至夢中亦無妄語  
故名菩薩喜見菩薩言若菩薩能見一切色  
皆是佛色故名菩薩常悲菩薩言若菩薩見  
隨生死苦惱衆生不著自身一切諸樂唯除  
法樂教化衆生故名菩薩心無礙菩薩言若  
菩薩能於一切煩惱衆魔而不瞋礙故名菩  
薩常喜根菩薩言若菩薩常以喜根自滿其  
願亦滿他願所作皆辦故名菩薩散髮梅髻

薩言若菩薩於一切法中不生疑悔。總名菩薩師子童子菩薩言若菩薩亦無男法亦無女法而現一切種種色身以為成就諸衆生。故故名菩薩寶女菩薩言若菩薩於諸寶中不生愛樂但樂三寶故名菩薩毗舍佉達多優婆夷言若菩薩有所得者則無菩提若不萬得一切法不生一切法不滅一切法故名菩薩勝思惟梵天所問經四薩跋陀婆羅大賢士言若菩薩有諸衆生聞其名者即得必定於阿耨多羅三藐三菩提故名菩薩寶月童子言若菩薩常能修行童子梵行乃至不以心念五欲何況身受故名菩薩。忉利天子曼陀羅華香菩薩言若菩薩

持戒熏心常流功德諸善法香不流餘香故  
名菩薩作喜菩薩言若菩薩喜樂三法謂供  
養佛守護正法教化衆生故名菩薩勝思惟  
梵天言若菩薩見一切法皆是佛法故名菩  
薩彌勒菩薩言若菩薩衆生見者即得入於  
大慈三昧故名菩薩文殊師利法王子言若  
菩薩雖說諸法而不起法想不起我想不起  
他相故名菩薩綱明菩薩言若菩薩光明能  
滅一切衆生諸煩惱暗故名菩薩普華菩薩  
言若菩薩見滿十方諸佛世界衆華敷榮故  
名菩薩如是諸菩薩隨其樂說辨才各各說  
已尔時佛告平等行梵天婆羅門大婆羅

言善男子若菩薩能代一切衆生受諸苦惱  
亦復能捨一切福事與諸衆生故名菩薩尔  
時勝思惟梵天問平等行梵天婆羅門大婆  
羅子言善男子仁者今以何行為行答言梵  
天以何等行一切有為法諸衆生行我如是  
行梵天問言一切有為法諸衆生以何為行  
萬勝思惟梵天所問經  
答言梵天諸佛所行是一切有為法諸衆生  
行梵天問言諸佛以何為行答言梵天諸佛  
以第一義空為行梵天問言善男子若一切  
凡夫所行諸佛亦以是行佛與衆生有何差  
別平等行梵天婆羅門大婆羅子言梵天仁  
者欲令空中有差別耶答言不也文殊師利

問勝思惟大梵天言梵天如來可不說一切  
法空耶答言如是文殊師利言是故梵天一  
切諸法無有差別是諸行相亦復如是無差  
別相是故如來不說諸法有種種相平等行  
梵天婆羅門大婆羅子問文殊師利法王子  
言文殊師利如諸言語所說行者何等名行  
答言善男子以何等處有四正行是人名為  
行處梵行善男子以何等人行四梵行彼人  
所行非是梵行以何等行行四梵行彼人名  
為成就梵行善男子雖於空闊曠野中行離  
於梵行彼人不名成就梵行非是善巧知於  
梵行善男子復有雖於樓殿堂閣金銀牀榻

妙好被褥於此中行成就梵行彼人真實成  
就梵行真是善巧知於梵行曰若見我見非  
智見耶答言善男子如是如是善男子若見  
我見彼非智見善男子如人如實善知金性  
則知柔軟不柔硬者如是見我能清淨智曰  
為說何者是我見耶答言善男子所謂無我  
萬勝思惟梵天所問經四  
法體常也善男子我常無體本來不成以彼  
如是畢竟決定故說名我曰如我解文殊師  
利所說法義若見我者即是見佛何以故我  
體佛體無分別故文殊師利何等人能見如  
來耶答言善男子若能不改我見相者何以  
故我見法見佛見平等曰頗有無所行名偽



正行耶。答言有善男子。若不行一切有為。為  
者。是名正行。曰云何。而行名為正行。答言善  
男子。若不為知。故行不為斷。故行不為證。故  
行不為修。故行是名正行。曰頗有人不見佛  
而。彼人慧眼清淨。答言有善男子。諸佛如來  
不見二相。彼人則有慧眼清淨。曰惠眼見何  
等法。答言善男子。若見一法。不名惠眼。善男  
子。惠眼不見有為。諸法亦復不見。無為法也。  
何以故。以彼般若無分別。故以是義。故般若  
不見有為。諸法。彼無為法。亦過慧眼。是故不  
見。曰頗有正行比丘。不得道果。答言有善男  
子。於正行中。無果。無得。亦無正行。彼處亦無。

修行一法善男子亦於彼處無果可得以無  
分別故善男子若不得一法乃名為得善男  
子若分別言我有所得彼人我慢以正行中  
無增上慢以無增上慢則無證無得曰為得  
何法說名得道答言善男子以何等法不生  
本來不生後亦不生為得彼法故說實法曰  
萬勝惠惟梵天所問經四  
若法不生何等法證答言善男子若知不生  
即說彼知名為證法見有為法一切不生是  
即名為得證正定曰以何名為證正定耶答  
言善男子我及涅槃平等無二無有差別故  
說名為證正定也以隨正定是故說名證正  
定也以畢竟得平等法故說名正定又以能

令得了義故說名正定以不戲論諸三昧故  
說名正定。尔時世尊讚文殊師利法王子言  
善哉善哉。文殊師利快說此言誠如汝說。如  
是文殊師利汝說此法時七千比丘不受諸  
法漏盡心得解脫三萬二千諸天遠塵離垢  
於諸法中得法眼淨有十千人離欲得定有  
二百人發阿耨多羅三藐三菩提心五百菩  
薩得無生法。忍尔時勝思惟梵天白佛言世  
尊是文殊師利法王子能作佛事大饒益衆  
生。令無量衆生入於涅槃。佛言善男子汝亦  
饒益無量衆生。令入涅槃。文殊師利問言梵  
天汝謂衆生有數量耶。答言不也。問言梵天

頗有衆生如來說不又頗有衆生有衆生體  
不答言無也問言梵天於汝意云何汝謂如  
來有生有滅耶答言不也問言梵天若如是  
者何等衆生如來令入於涅槃耶梵天答言  
以何等法性文殊師利法王子如是說法如  
是無世間無涅槃文殊師利言梵天如是如  
是如來不見世間不見涅槃梵天如來所化  
聲聞弟子彼人亦不見世間不見涅槃梵天  
所言涅槃唯是言說然無有人行於世間亦  
無有人行於涅槃梵天問言諸有所說諍訟  
言語如此言語說何等法答言梵天是戲論  
耳不說衆生梵天若有戲論然則常無戲慢

萬

勝思惟梵天所問經四

十三

以是義故於無物中而戲論也。以知無實有戲論，故不見戲論。若不見戲論，彼人不行世間。若不行世間，則不異見。以不異見，故說涅槃。梵天問言：文殊師利所言入涅槃者，以何等對治而說涅槃？答言：梵天入涅槃者，彼此因緣不相和合，不起無明，不起世間行。若不起行，是則不生。若不生者，即名涅槃。若不起諸行，名為寂靜。彼法名為得證聖道，以常不生，如是名為說四聖諦。今時平等行。梵天婆羅門大婆羅子謂文殊師利法王子言：文殊師利，如仁所說，皆是真實。文殊師利言：善男子，一切言說皆是真實。曰：虛妄言說亦真實。

耶答言如是何以故善男子是諸言說皆為  
虛妄無處無方若法虛妄無處無方即是真  
實以是義故一切言說皆是真實善男子提  
婆達多所有語言與如來語無異無別何以  
故諸有言說一切皆是如語無異無別何以  
故諸有言說一切皆是如來言說不出如故  
萬勝思惟梵天所問經四  
諸有言語所說之事一切皆以無所說故得  
有所說是以一切言說皆等文字同故文字  
空故曰如來可不說凡夫語賢聖語耶文殊  
師利言如是善男子不可如彼文字言語聖  
人說法凡夫亦以文字章句有所說耶答言  
如是曰頗有文字分別言語此是凡夫文字

言語此是聖人文字言語耶答言無也。文殊  
師利言善男子如彼言語名字章句不分別  
無分別如是一切聖人離諸分別是故聖人  
無名字說聖人所行非言語想亦非法想非  
衆生想如鼓螺等衆緣和合而有音聲是諸  
音聲無所分別如是善男子諸賢聖人善知  
一切衆因緣故於諸言說悉皆平等無所分  
別平等行菩薩言文殊師利如佛所說大衆  
集會當行二事若如實說法若聖默然文殊  
師利何者如實說法何者是聖默然答言善  
男子若說法不違佛不違法不違僧是名如  
實說法若知法即是佛離相即是法無為即

是僧是名聖默然又善男子若依四念處有  
所說是名如實說法若於一切法無所憶念  
是名聖默然若依四正勤有所說是名如實  
說法若於平等不作平等非不作平等是名  
聖默然若依四如意足有所說是名如實說  
法若不捨身口意是名聖默然若依五根五  
萬勝思惟梵天所問經四  
力有所說是名如實說法若不隨他語而有  
所信為不取不捨故分別諸法一心安住無  
念念中若信諸法自性清淨離一切戲論諸  
因緣行是名聖默然若依七菩提分有所說  
是名如實說法若常行捨心無所分別無增  
無減是名聖默然若依八聖道有所說是名



如實說法若知諸法相如彼。我喻不依法行  
不依非法行。是名聖默然善男子。於三十七  
菩提分法。若能以言語建立開示。分別演說  
是名如實說法。如實說故。是名如實說法。若  
身證是法而不離身。見法亦不離法。見身於  
是觀中不見。二相不見。不二相。如是理前見  
而不見。是名聖默然。復次善男子。若不妄想  
著我。亦不妄想著他。不妄想著法。非法非非  
法。妄想而有所說。是名如實說法。若得不可  
說法。想能離一切名字言語音聲。得不動處  
入離行心。是名聖默然。復次善男子。若於一  
切衆生。知諸根力。如是說法。是名如實說法。

若常在於定心不散亂是名聖默然。爾時平等行梵天、婆羅門、大婆羅子、白文殊師利法王子言：文殊師利，如我解文殊師利所說法義，諸聲聞人、辟支佛等一切無有如實說法。無聖默然，何以故？不能了知一切衆生諸根利鈍，亦復不能常在定。故文殊師利世間若萬有以真實語而問，言曰：誰是世間如實說法勝思惟梵天所問經四何者？世間聖默然住當為說法，諸佛是也。文殊師利當為正說，諸佛是也。何以故？諸佛如來具諸根力，善知衆生諸根利鈍，常在定。故佛告文殊師利：法王子，言如是如是，如平等行善男子所說。唯諸如來有此二法。爾時長

老須菩提白佛言世尊我親從佛聞從佛親  
受汝等集會當行二事若如實說法若聖默  
然世尊若聲聞人不能行者云何如來勅諸  
比丘行如實說法行聖默然佛言須菩提於  
汝意云何若聲聞人不從他聞能如實說法  
聖默然不須菩提言不也世尊佛言須菩提  
是故當知一切聲聞辟支佛人皆悉無有如  
實說法無聖默然今時文殊師利法王子問  
長老須菩提言長老須菩提如來如實了知  
衆生八萬四千心行汝知不乎汝於此中能  
有智慧隨其所應為說法不答言不能文殊  
師利言今須菩提能入觀一切衆生心三昧

通達一切衆生心心所行自心他心無所礙  
不答言不能文殊師利言如來如實了知衆  
生八萬四千心行隨其所應為說法藥又常  
住定平等相中心不動搖而常通達一切衆  
生心心所行而不思惟無障無礙今須菩提  
能如是不答言不能文殊師利言如來如實了  
知衆生八萬四千心行如實說法藥而常  
在定平等相中心不動搖亦常通達一切衆  
生心心所行而不思惟無障無礙須菩提是  
故當知一切聲聞辟支佛人非其境界須菩  
提或有衆生多媯欲者以觀淨故而得解脫  
不以不淨唯佛能知或有衆生多瞋恚者以

萬

勝思惟梵天所問經四

十七

觀過故而得解脫不以慈心唯佛能知或有  
衆生多愚癡者以不共語而得解脫不以說  
法唯佛能知或有衆生等分行者不以淨觀  
不以不淨觀不以觀過不以慈心不以不共  
語不以說法而得解脫者隨其根性以諸法  
平等而為說法令得解脫唯佛能如是故須  
菩提佛於如實說法人中最為第一於聖默  
然中最为第一尔時長老須菩提白文殊師  
利法王子言文殊師利若諸聲聞辟支佛人  
不能如是如實說法不能如是聖默然者諸  
菩薩摩訶薩有能成就如是功德如實說法  
聖默然不答言唯佛當知於是佛告長老須

菩提言須菩提有三昧名入一切語言心不散亂諸菩薩等若能成就此三昧者一切皆得如是功德尔時文殊師利謂平等行菩薩言善男子為諸衆生八萬四千行故說八萬四千法藏名為如實說法常在一切滅受想行定中名聖默然善男子我若一劫若餘殘萬劫勝思惟梵天所問經四說二是義如實說法聖默然相不可窮盡十八然說法辨才亦不盡也於是佛告平等行菩薩言善男子乃往過去無量無邊於不可數阿僧祇劫時世有佛号曰普光如來應正遍知乃至佛婆伽婆劫名名稱國名喜見彼普光如來喜見世界七寶莊嚴豐樂安隱無諸

怖畏天人熾盛其地皆以衆寶莊嚴善男子  
彼喜見國土有四百億諸四天下一天下  
縱廣八萬四千由旬其中諸城縱廣正等各  
一由旬皆以衆寶而為校飾彼一一城皆有  
二萬五千聚落而圍遶之一一聚落無量百  
千萬數人衆充滿其中安居住人見色像  
心皆喜悅無可憎惡亦皆悉得念佛三昧是  
以國土名曰喜見若他方世界諸來菩薩皆  
得快樂餘國不尔善男子其普光佛以三乘  
法為弟子說亦多廣說如是法言若如實說  
法若聖默然善男子尔時上方藥王佛國有  
二菩薩一名無盡意二名益意詣喜見國普

光佛所頭面禮足右繞三匝恭敬合掌却住  
一面時普光佛為二菩薩廣分別說淨明三  
昧言善男子何故名曰淨明三昧善男子若  
有菩薩入是三昧即時得離一切煩惱於諸  
佛法得淨光明是故名曰淨明三昧又前際  
一切法淨後際一切法淨現在一切法淨是  
萬勝思惟梵天所問經四十九  
三世法畢竟清淨以彼清淨常清淨故是以  
說言一切諸法自性清淨常清淨也何謂諸  
法自性清淨謂一切法自性是空離一切法  
有所得故一切諸法自性無相離一切法諸  
分別故一切諸法自性無願以一切法不取  
不捨無求無欲諸法畢竟自性離故是名諸



法性常清淨以何等世間性涅槃亦尔同彼  
法性以何等涅槃性一切諸法亦同彼性以  
是故說一切諸法自心性清淨善男子譬如  
虛空若受垢染無有是處心性亦尔若有垢  
染無有是處善男子譬如虛空雖為煙塵雲  
霧覆翳不明不淨而不能染虛空之性善男  
子虛空之性若染汚者終不得名為清淨也  
以彼虛空實不可染是故說為虛空虛空如  
是善男子雖有為行一切衆生有不正念起  
諸煩惱然其彼心自性清淨不可染汚若染  
汚者彼常垢汚不可清淨以不染汚是故彼  
心自性清淨心得解脫善男子如是名入淨

明三昧門善男子彼普光佛為二菩薩說如是法彼二菩薩聞是三昧於諸法中得不可思議法之光明

勝思惟梵天所問經卷第四

萬

怖望

上音希  
下音亡

鼓蚤

下許和反  
亦作螺

批喻

上音伐  
薄

覆

醫

下反  
許

萬

勝思惟梵天所問經四

二十

